

Transkription von Stadtbucheintrag HRO 1375a

Ort, Datierung: Rostock, nach 1375

Signatur: Stadtarchiv Rostock, Liber arbitrium Nr. 294, Bl. 6a (1.1.3.1 - 7.294) [\[online\]](#)

Inhalt: Rat der Städte Lübeck, Hamburg, Rostock, Wismar, Stralsund und Lüneburg:
Verordnung für Wollenweber

Witlik sij dat desse na scr(euene) articule v(m)me bede willen der olderlude des amptes der /
wullenweue(re) vth den steden lubeke hamborgh Rozstok Stralessunde wism(er) / vnde luneborg van
deme Rade sint togelaten vnde stan uppe desser vorben(omeden) stede / vnde Rede vorbeterent wanner
se willen /

Jnt erste dat nymment bynnen dessen steden lubeke hamborg Rozstok Stralessu(n)t / wismar vnde
luneborg schal holden jengen knapen de myt vnwillen van / sineme meystere dar he touoren mede
denet hadde gescheden were dat sij bynnen edder buten der vorhure Sunder id en were dat de knape
des Amptes / vn(de) siner meysters willen dar he mit vnwillen van gescheden were gemaket hadde /

Jt(em) schal nymment deme anderen sine knapen enen edder mer entmeden ofte / entspanen .
entmeden ofte entspanen laten myt jenigen vorworden bynnen / edder buten dessen vorben(omeden)
steden /

Jt(em) weret ok dat jenich knape dende in dessen vorben(omeden) steden vnde mit vnwille(n) / van
sineme meystere schedede vnde denne v(m)me des vnwillen jn eyn velt/kloster ofte jenige clene stede
edder wichelde to denende toghe . den knape(n) / schal na der tid nymment meden edder holden er der
tid de knape des jennen / dar van he mit vnwillen togen is willen gemaket heft /

Jt(em) weret ok dat jenich knape bynnen der tid der vorhure sineme / meystere jenige dage vorsumede
to arbeydende sunder reddelke notsake / denne mach em sin meyster vor enen jewelken dach afkorten
enen lub(eschen) S(chilling) jn vormy(n)ringe siner vorhure . /